

卷三十



錦繡萬花谷續集卷之十八



類
表

後進領袖裴秀八歲能屬文時語曰後進領袖有裴秀

後爲司空 晉本傳

王山陰人裴楷以清通用爲吏部郎時人稱見裴叔則

如近王山映照人也 本傳

裴松之博覽墳籍立身簡素宋武帝克洛陽

松行軍事武帝曰松之廊廟之才不宜久居邊務

裴駿魏太祖曰駿有當世才其忠義可嘉補
洗馬轉中書侍郎 南史

裴駿魏太祖曰駿有當世才其忠義可嘉補

崔浩目爲三河領袖宋使來聘以駿有才學

書名 錦繡萬花谷續集四十卷 嘉靖十五年
序錫山秦汴鑑石書堂刊本後修
撰者 宋 闕名 撰
卷 卷三十
內容分類 子-類書-彙考-宋
索書號 大木-子部-類書類-31
編號 C5924800

彩色圖頁1

東洋文化研究所漢籍目錄 編號: C5924800

東洋文化研究所漢籍目錄所藏漢籍善本文影像資料庫 索書號: 大木-子部-類書類-31

漢籍善本文影像資料庫文本 錦繡萬花谷續集四十卷 嘉靖十五年序錫山秦汴鑑石書堂刊本後修

版權所有: 東京大學 東洋文化研究所
使用上的注意事項

遂良因致笏殿階叩頭流血曰還陛下笏丐歸田里

撰翼善記

褚無量字弘度刻意墳典擢明經玄宗爲太

子撰翼善記以進母喪廬墓群鹿犯所植松柏無量號

訴曰山林不乏忍犯吾塋樹耶自是群鹿馴服不復觸

並唐史

伍

被爲冠首

伍被楚人以材能稱爲淮南中郎淮南王安

招致英雋以百數被爲冠首

前漢史

錦繡萬花谷續集卷之二十九

錦繡萬花谷續集卷之三十

類姓

杜

白虎殿對策

杜欽字子夏延年子目偏盲舉賢良方正

直言上日蝕地震之對又詣白虎殿對策優游不仕以

壽終

杜如晦

字克明隋大業中預吏部選侍郎高孝

基異之曰君當爲棟梁用房元齡曰如晦王佐才也必
欲經營四方捨如晦無共功者王曰非公言我幾失之
因表留幕府從征伐常參帷幄機祕方多事裁處無留
進尚書右僕射仍領選引賢者下不肖咸得其職當時
浩然歸重

唐史

一門三秀才杜正倫隋世舉秀才天下不十人而正倫一門三秀才皆擢第爲世歆美進中書侍郎與韋挺虞世南姚思廉論事稱旨太宗爲設宴具召四人者謂曰吾聞神龍可擾以馴然頷有逆鱗嬰之者死人君亦有之卿屬遂犯吾鱗裨闕失朕其何慮危亡哉思卿至意故命酒以相樂也

號小杜杜牧字牧之善屬文第進士復舉賢良方正拜殿中侍御史牧於詩情致豪邁人號爲小杜以別杜甫
奏罷中人監軍杜黃裳擢進士第中宏辭郭子儀辟佐朔方府正元末遷太常卿王叔文用事黃裳未嘗過其門壻韋執誼輔政黃裳勸請太子監國執誼曰公始得一宮遽開口議禁中事黃裳怒曰吾受恩三朝豈以一

官見賣即拂衣去劉闢叛唯黃裳固勸不赦因奏罷中人監軍而專委高崇文凡兵進退黃裳自中指授無不切于機蜀平群臣賀憲宗目黃裳曰卿之功

屈宋作衙官杜審言擢進士才高嘗語人曰吾文章當得屈宋作衙官吾筆當得王羲之北面武后召將用之令賦歡喜詩嘆重其文爲修文館直學士初審言病宋之問武平一省候答曰昔爲造化小兒相苦少與李嶠崔融蘇味道爲文章四友號崔李蘇杜

秦賦三篇杜甫字子美少貧李邕奇其才先往見之舉進士不中第因長安天寶十三歲玄宗朝獻太清宮饗廟及郊甫奏賦三篇帝奇之使待制集賢院數上賦頌高自稱道言先臣恕預以承儒守官十一世追審言以

文章顯臣七歲屬辭且四十年衣不蓋體常寄食於人
述作雖不足鼓吹六經至沈鬱頓挫隨時敏給楊雄枚
皐可企及也有臣如此陛下其忍棄之肅宗拜右拾遺
與李白齊名時號李杜

並唐史

周翰李經 皇朝杜鎬少好學初應舉將試有鼠銜孝
經疏置榻前鎬怪之取以熟誦果試題出其申遂與選
鎬既博學又有記問兄爲法官有毀其父之畫像爲近
親所訴疑不能決鎬曰僧道毀佛老像此可比也見從
之衆服其審

古

筆公 古弼少忠謹善騎射初爲獵郎門下奏事以敏正
稱明元嘉其真而有用賜名曰筆後名弼言其有輔佐

才也累遷尚書令端謹慎密口不言禁中事弼頭尖太
武常名之曰筆頭時人呼爲筆公

魯

魯仲連 齊人好奇偉倣儻之畫策而不肯仕
宦任職好持高節新垣衍曰吾聞魯仲連先生齊國之
高士也又曰吾乃今日知先生爲天下之士也齊欲爵
魯連魯連逃隱於海上曰吾與富貴而詘於人寧貧賤
而輕世肆志焉

史記

魯恭 字仲康與弟丕俱居太學習魯詩拜中牟令
專以德化爲理政有三異後爲司徒

後漢史

魯肅 字子敬周瑜嘗就肅求資糧肅家有兩困米
各三千斛乃指一困與之肅少有肚節好爲奇計一見

孫權便說拒曹公而論帝王之略雖在軍陣手不釋卷

出吳志

西州豪族魯芝字世英世有名德為西州豪族舉孝廉除郎中并州刺史遷大鴻臚

晉良吏傳

庾

荆南杞梓庾域字司大梁文帝為郢州辟為主簿嘆美其才曰荆南杞梓其在斯乎仕梁至輔國將軍

貞節處士庾詵字彥寶經史百家無不該綜性託夷簡特愛林泉謚貞處士

並南史

徐庾體庾信博覽群書為文綺麗世號為徐庾體

徐謂

後進競相模範仕周累遷散騎常侍聘于東魏文章辭

令盛為鄴下所稱

北史文苑傳

祖

誓清中原祖逖字士稚輕財好俠慷慨有節尚散穀帛以賙貧乏有贊世才具中夜聞雞起舞為奮威將軍北伐及渡江中流擊楫誓清中原

晉史

造指南車祖冲之字文遠稽古有機思解褐授徐州參軍明曆法解鍾律又特善算嘗造指南車又造欹器又造千里船等器

南史

武

隱嵩山武平一名甄博學通春秋工文辭武后時畏禍不敢與事隱嵩山屢詔不應

真宰相器武元衡舉進士德宗欽其才擢御史中丞嘗對延英帝目送之曰是真宰相器元和二年拜門下侍

郎同平章事帝素知堅正有守眷禮異他宰相並唐史

尹

為虎穴尹賞以三輔高節選守長安為虎穴以大石覆其口收捕姦猾以次內其中百人為輩覆以大石數日一發視自相枕藉死三輔吏民甚畏之四子皆至郡守長子立為京兆尹皆尚威嚴有治辦名前漢史

儒學知名尹洙字師魯兄源字子漸與洙俱以儒學知名舉進士范仲淹薦其材遂知懷州官至太常博士卒洙少舉進士為正平簿河南府戶曹邵武軍判官舉書判拔遷山南東道掌書記知伊陽縣王晦叔薦其材召試館閣校勘遷太子中允范仲淹貶饒州諫官御史不肯言洙上書言仲淹臣之師友願得與俱貶監唐州

稅復太子中允知河南縣尤為經畧使韓琦所深知

閔

南金薛兼同閔鴻等號五雋張華見之曰皆南金也晉史

錦繡萬花谷續集卷之三十